



问曰：现有尽灭相法，是尽灭相法，亦说尽、亦说不尽，如是则有成坏。

答曰：

288

尽则无有成， 不尽亦无成；

尽则无有坏， 不尽亦不坏。<sup>1</sup>

诸法日夜中念念常灭尽过去，如水流不住，是则名尽。是事不可取、不可说。如野马<sup>2</sup>无决定性可得，如是尽无决定性可得，云何可得分别说有成？是故言尽亦不成。成无故亦不应有坏，是故说尽亦无有坏。又念念生灭常相续不断故名不尽，如是法决定常住不断，云何可得分别说言今是成时？是故说无尽亦无成。成无故无坏，是故说不尽亦无坏。如是推求，实事不可得故，无成无坏。<sup>3</sup>

<sup>1</sup> 一、清辨，《般若灯论释·观成坏品》云：

尽者无有起， 无尽亦无起；  
有尽者无坏， 无尽亦无坏。

二、安慧，《大乘中观释论·观成坏品》云：

尽即无有成， 不尽亦无成；  
尽即无有坏， 不尽亦无坏。

<sup>2</sup> 野马：拼音 yě mǎ，田野上空蒸腾浮游的水汽。

<sup>3</sup> 《中论释·明句论·观成坏品》云：





问曰：且置<sup>4</sup>成坏，但令有法，有何咎？

答曰：

289

若离于成坏， 是亦无有法；

若当离于法， 亦无有成坏。<sup>5</sup>

离成坏无法者，若法无成、无坏，是法应或无、或常，而世间无有常法<sup>6</sup>。汝说离成坏有法，是事不然。

问曰：若离法但有成坏，有何咎？

答曰：离法有成坏，是亦不然。何以故？若离法谁成？谁坏？是故离法有成坏，是事不然。

[问曰：此中若计有成坏者，为于尽法中有成坏？为于不尽法中有成坏？二俱不然。为明此义，故次颂曰：

尽则无有成， 不尽亦无成；

尽则无有坏， 不尽亦不坏。

此谓若法灭尽，因有其对故则应无有成。由于无实事相故，不尽者亦应无成。譬如驴角。如是尽者则无有坏，灭尽者则是无法，此谓无所依故坏则是处不然。如是不尽者亦应无坏相。若法不尽者则不符合有事的法相。毕竟所无者何得言有其坏？若法尽、若法不尽，是中都无有成坏。成坏相无故，成坏则不然。]

<sup>4</sup> 置：拼音 zhì，〈动〉搁置；放下；放在一边。

<sup>5</sup> 一、清辨，《般若灯论释·观成坏品》云：

若离彼成坏， 则无有物体；

是成坏二法， 离物体亦无。

二、安慧，《大乘中观释论》无对应偈颂。

<sup>6</sup> 《中观四百论·破常品》云：

无有时方物， 有性非缘生；

故无时方物， 有性而常住。





复次，

290

若法性空<sup>7</sup>者，谁当有成坏？

若性不空者，亦无有成坏。<sup>8</sup>

若诸法性空，空何有成有坏？若诸法性不空，不空则决定有，亦不应有成坏。<sup>9</sup>

复次，

291

成坏若一者，是事则不然；

成坏若异者，是事亦不然。<sup>10</sup>

<sup>7</sup> 空：空名无所有，云何当有成坏？是故说若诸法性空者，不成不坏。

<sup>8</sup> 一、清辨，《般若灯论释·观成坏品》云：

有成坏二法，物体空不然；

有成坏二法，体不空不然。

二、安慧，《大乘中观释论·观成坏品》云：

彼成坏二法，非空故可有；

又成坏二法，非不空可有。

<sup>9</sup> 《中论释·明句论·观成坏品》云：

[复次，若计有成坏者，为空法中有？为不空法中有？二俱不然。为明此义，故次颂曰：

“若法性空者，谁当有成坏？”

谓无所依故，如空华义。

或如颂曰：

“若性不空者，亦无有成坏。”

若法性不空者，即名是有性。以无所依故成坏则不然。]

<sup>10</sup> 一、清辨，《般若灯论释·观成坏品》云：





推求成坏一则不可得。何以故？异相故，种种分别故。又成坏异亦不可得。何以故？无有别故，亦无因故。<sup>11</sup>

是成坏二法，一体者不然；  
是成坏二法，异体者不然。

二、安慧，《大乘中观释论·观成坏品》云：

此成坏二法，非一性可有；  
此成坏二法，亦非异性有。

<sup>11</sup> 一、《中论释·明句论·观成坏品》云：

[复次，若计有成坏，是成坏法为一耶？为异耶？二俱不然。如论偈曰：

“成坏若一者，是事则不然。”

如明闇相违故，成坏若一者，是事则不然。

如论偈言：

“成坏若异者，是事亦不然。”

二事互不相离故，成坏若异者，是事亦不然。若离于坏者则不见有成。是故二事不得相离。如论偈言：

“成坏若异者，是事亦不然。”]

二、《般若灯论释·观成坏品》云：

[复次，更有与过道理：此成坏法为一耶？为异耶？二俱不然。是义云何？如论偈说：

是成坏二法，一体者不然；  
是成坏二法，异体者不然。

释曰：此谓相违故，譬如愚与智。然此二法同依一物，譬如余物体，此亦因义有不成过。]

